



## SIPA nastavlja akciju Damask

# Kršo spriječen da ode u Siriju

**Uhapšeni je ranije privođen zbog dovođenja u vezu s terorističkim aktivnostima**

Policijski službenici Državne agencije za istrage i zaštitu (SIPA) su jučer ujutro, u nastavku akcije Damask, a postupajući po naredbi Tužilaštva BiH, na području Trebinja lišili slobode osobu inicijala K. K. (1976) iz Sarajeva.

Navedenu osobu zadržali su na graničnom prelazu policijski službenici Granične policije BiH nakon što je vraćena iz Cme Gore, te je predali na dalje postupanje policijskim službenicima SIPA, saopćeno je iz Agencije. Navedena osoba sumnjiči se da je 26. aprila napustila teritoriju BiH u namjeri da se u Siriji pridruži terorističkoj organizaciji IS.

Kako saznaje N1, riječ je o Kenanu Krši, odranije poznatom policiji, a i široj javnosti. On je, naime, privođen zbog dovođenja u vezu s terorističkim aktivnostima. Kršo je početkom prošle godine privođen nakon što je u jednoj sarajevskoj džamiji izazvao incident. On je s još dvije osobe u džamiju ušao noseći majicu IS-a. Uhapšen je 15. aprila 2015. zbog sumnje da je učestvovao u određenim aktivnostima koje se mogu dovesti u vezu sa terorizmom. Tom prilikom pretreseni su objekti koje je Kršo koristio, a oduzeto vatreno oružje bez odgovarajuće dokumentacije i drugi predmeti.

